

**KANTON SARAJEVO**

**SKUPŠTINA KANTONA SARAJEVO**

**NAROD I PRAVDA**

**Danijela Kristić, zastupnica**

**Federalno ministarstvo rada i socijalne politike**

**PREDMET: INICIJATIVA**

Na osnovu odgovora Ministarstva unutrašnjih poslova Kantona Sarajevo na moje zastupničko pitanje, pokrećem inicijativu za izmjenu člana 41. Zakona o zaštiti od nasilja u porodici i nasilja prema ženama u Federaciji Bosne i Hercegovine.

Naime, Ministarstvo unutrašnjih poslova Kantona Sarajevo je u svom odgovoru navelo da član 41. propisuje kome se dostavlja rješenje o izricanju zaštitne mjere, ali da poslodavac nije naveden kao subjekt dostave. Istovremeno, Ministarstvo je izrazilo stav da bi navedeni član trebalo proširiti na način da dostava rješenja bude obavezna i poslodavcu lica kojem su izrečene zaštitne mjere.

S tim u vezi, predlažem da nadležno ministarstvo pokrene izmjene i dopune člana 41. Zakona, kako bi se propisala obavezna dostava rješenja poslodavcu u slučajevima kada lice kojem su izrečene zaštitne mjere obavlja poslove koji podrazumijevaju nošenje ili korištenje službenog oružja, poslove zaštite i sigurnosti ili druge poslove kod kojih postoji povećan rizik po život, zdravlje i sigurnost drugih osoba.

Predložena izmjena imala bi za cilj unapređenje zaštite žrtava nasilja, jačanje sigurnosti radnog okruženja, pravovremeno preduzimanje mjera od strane poslodavca u okviru njegovih zakonskih ovlaštenja, te sprečavanje mogućih zloupotreba i nastanka težih posljedica, uz puno poštivanje propisa o zaštiti ličnih podataka i ograničavanje dostave isključivo na slučajeve u kojima je takva informacija neophodna radi zaštite života i sigurnosti.

Pozivam nadležno ministarstvo da, u saradnji sa ostalim nadležnim institucijama, pripremi odgovarajuće izmjene i dopune Zakona i uputi ih u zakonodavnu proceduru.

Sarajevo 03.07.2026.godine

Zastupnica u Skupštini KS

Danijela Kristić